



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 155. Quid notandum sit circa resignationes cum reservatione fructuum  
vel pensionis.

**urn:nbn:de:hbz:466:1-42600**

de jure Eccl. l. 3. c. 15 n. 54 *Du Hammel*, in Decal. l. 1. c. 8. n. 5. Vide *Leur. q. 727*. Quod si quis resignet cum ea tantum intentione, spe aut etiam supplicatione, ut conferatur Titio, nec est simonia nec illicitum, secundum dicta n. 1014. Præterea si Episcopus ex causa velit unire meum beneficium beneficio Titii, permittere possum & consentire in favorem Titii, qui non accipit vi resignationis meæ, sed vi unionis, *Garc. Tond. Leur. q. 730*.

§. III. Si ego resignem meum beneficium in favorem tui nepotis, & tu resignes tuum in favorem mei nepotis, quamvis videatur esse permutatio, attamen non est, sed duplex resignatio in favorem tertii, quæ vocatur *reciproca*, & non potest admitti ab Ordinario, *Paris. Az. Leur. q. 735*; imò à *Suar. Less. Castrop. n. 11*. rectè dicitur simoniaca, si accedat pactum. Consequenter si ex pacto saltem tacito resignem meum beneficium Cajo, ut Cajus suum resignet Titio, & Titius suum mihi resignet, vocatur renunciatio *triangularis* & est simoniaca, *Castrop. supra*, & t. 13. d. 6. p. 3. §. 1. n. 1. Notant tamen *Suar. & Less.* facile evitari simoniam & peccatum, si nempe cum licentia Ordinarii ego permutem meum beneficium cum Cajo, & Titius suum permutet mecum jam habente beneficium Caji.

§. IV. Si quis probari possit resignasse beneficium suum in favorem tertii apud alium quam Papam, sciens id invalidum esse, in pœnam sui facti potest eo beneficio privari, ita ut collatori fiat liberum, cui voluerit, illud conferre, *Suar. Paris. Castrop. Less. l. 2. c. 35. n. 86*.

Q. 155. *Quid notandum sit circa resignationes cum reservatione fructuum vel pensioni.* R. De his videri potest *Leur. p. 3. q. 417. & seqq.*, item dicenda à n. 1121. Adde tamen etiam seqq.

§. I.

1053

1054

1055

§. I. Licitum est apud Papam resignare, vel purè, vel in favorem alicujus, sub conditione pensionis sibi dandæ ab eo, qui beneficium habebit, *non aliter*, quia Papa permittit tales resignationes sibi exhiberi, ut vel admittat vel rejiciat, uti probat quotidiana praxis: potestque resignans cum resignatario antecedenter tractare de tali modo resignationis, sub clausula, *si sanctissimo placuerit*, *Felin. Propos. Gamb. Redoan. Paris. Leuv. q. 435.*

1056

§. II. Simoniacum est, coram Ordinario resignare sub reservatione pensionis vel fructuum, quia est pactum in materia beneficiaria, *Abb. Covarr. Suar. Valent. Bonac. Castrop. Fill. Diana, Barb. Leuv. q. 381. n. 2. Quod Rota & Paris. dicunt tenere, etiam si fieret cum clausula, sub beneplacito Apostolico*, quia putant hanc clausulam tantum admitti in resignationibus apud Papam faciendis. Vide *Leuv. q. 729.* Si tamen quis apud Ordinarium dimittat beneficium alicui dignitati vel loco unitum, potest sibi fructus reservare, quia debebantur ipsi non obstante unione, & conditio illa de jure inerat, *Rebuff. Garc. Tond. Leuv. q. 730. Vide Castrop. t. 17. d. 3. p. 17. n. 13.*

1057

§. III. Si pensio reservata in resignatione conditionali sit nulla, etiam nulla est resignatio, quia resignans nolebat aliter abdicare jus, *Tond.* Similiter si resignatio sit nulla, etiam pensio causæ resignationis imposita est nulla, *Paris. Corr. Leuv. q. 507.*

1058

§. IV. Si inferior collator alicui contulerit beneficium purè resignatum sub reservatione pensionis, quam ipse imponere non poterat, valet collatio, sed non impositio pensionis, quia utile per inutile non vitiatur in iis, quæ separationem recipiunt, *Tond.* Similiter si Papa contulerit Titio beneficium, & super hoc reservarit Cajo pensionem, quamvis collatio

latio facta Titio sit nulla, v. g. quia erat inhabilis, tamen valet impositio pensionis, quam præstare debet Cajo, quisquis habebit beneficium, quia erant duæ gratiæ separabiles, *Gonz. Leur. q. 508. contra Garc.*

Q. 156. Quid dicendum de resignatione, sub 1059  
conditione, ut refundantur expensæ litis vel bullarum aut quacumque alia. R.

§. I. Simoniacum est, si resignes sub conditione seu pacto, ut tibi refundantur expensæ factæ pro beneficio obtinendo, v. g. in lite, solvendis statutis &c. *Paris. Suar. Az. Less. Castrop Pirh. Leur. p. 3. q. 738. Si dicas, te eas repetere, non pro beneficio, sed pro indemnitate tua, aut saltem pro commodo, quod resignatarius habet ex tuis expensis: contra est, nam tam parum potes pacisci pro indemnitate, quam pro sustentatione tua habenda, maximè cum expensas feceris propter te, ut beneficium tibi utile assereres; commodum autem quod resignatarius habet, fundatur & immediatè sequitur ex beneficio à se resignato, & non ex tuis expensis, sicuti si mihi donares agrum, commodum, quod inde habeo, est ex agro & non ex pretio, quo tibi comparasti agrum.*

§. II. Resignatio in favorem, cum pacto, ut resignatarius solvat omnes expensas pro bullis, est simoniaca, sed singuli tenentur solvere pro bullis suis, & quamvis in resignatione pura resignatarius soleat totas expensas solvere, tamen non debet duci in pactum. Putant quidem *Paris. Az. Castrop. T. 17. d. 3. p. 16. n. 5.* in resignatione sub pensione posse resignatarium se obligare ad solvendas totas, eâ conditione, ut in primo termino easdem sibi compenset, sed *Garc.* merito dicit esse simoniacum, si de hoc antecedenter pacti sint. Vide *Leur. q. 739.*